

vólui super terram? Defécit caro mea, et cor meum: Deus cordis mei, et pars mea Deus in ætérnum. Allelúia.

¶ In Missis votivis post Septuagesimam, omissis Allelúia et versu sequenti, dicitur

Tractus

5704

Veni, Sponsa Christi, áccipe corónam, quam tibi Dóminus præparávit in ætérnum. V. Ps. 44, 8 et 5 Dilexísti iustítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. V. Spécie tua et pulchrítudine tua inténde, prospere procéde, et regna.

Tempore autem paschali omittitur graduale, et eius loco dicitur:

5705

Allelúia, allelúia. V. Ps. 72, 25-26 Quid mihi est in cælo? et a te quid vólui super terram? Defécit caro mea, et cor meum: Deus cordis mei, et pars mea Deus in ætérnum. Allelúia. V. Ps. 38, 4 Concáluit cor meum intra me: et in meditatióne mea exardéscet ignis. Allelúia.

Evangelium Símile est regnum cælórum thesáuro, de Comuni non Virginum II loco [38].

5706

Ant. ad Offertorium Ps. 107, 2

Parátum cor meum, Deus, parátum cor meum: cantábo, et psallam in glória mea.

Secreta

5707

His sacrificiis, quæsumus, omnípotens Deus, propitiátus inténde: et, beáta Catharína intercedénte, spíritum in nobis tuæ dilectiónis accénde. Per Dóminum nostrum Iesum Christum, Fílium tuum: Qui tecum vivit et regnat in unitáte.

Ant. ad Communionem Ps. 83, 3

Cor meum et caro mea exsultavérunt in Deum vivum. 5708

Postcommunio

Súppliques te rogámus, omnípotens Deus: ut, quos tuis reficere dignátus es sacraméntis, intercedénte beáta Catharína, tríbuas pro tui amóre terréna despícere; et cæléstium semper participatióne gaudére. Per Dóminum. 5709

Die 26 septembris

Ss. Ioannis, Isaaci et Soc.
Martyrum

Ant. ad Introitum Apoc. 7, 14

Hi sunt qui venerunt de tribulatióne magna, et lavérunt stolas suas, et dealbavérunt eas in ságuine Agni. Ps. 116, 1 Laudáte Dóminum, omnes gentes: laudáte eum, omnes pópuli. 5710

V. Glória Patri.

Oratio

Deus, qui primitias fidei in boreálibus Américæ regiónibus sanctorum Mártyrum tuórum Ioánnis, Isaaci eorúmque Sociórum prædicatióne et ságuine consecrásti: concéde propitiús; ut eórum intercessióne, flórida christianórum seges ubíque in dies augeátur. Per Dóminum. 5711

Léctio Epístolæ beáti Pauli Apóstoli ad Corínthios. 2 Cor. 12, 11-15

Fratres: Ego a vobis débui commendári, nihil enim minus fui ab iis, qui sunt supra modum apóstoli, tamétsi nihil sum. Signa tamen apostolátus mei facta sunt super vos, in 5712

omni patiëntia, in signis, et prodigiis, et virtutibus. Quid est enim quod minus habuistis præ ceteris ecclesiis, nisi quod ego ipse non gravavi vos? Donate mihi hanc iniuriam. Ecce tertio hoc paratus sum venire ad vos, et non ero gravis vobis. Non enim quero quæ vestra sunt, sed vos; nec enim debent filii parentibus thesaurizare, sed parentes filiis. Ego autem libentissime impendam, et superimpendam ipse pro animabus vestris, licet plus vos diligens, minus diligar.

Graduale

Ps. 123, 7-8

5713 Anima nostra sicut passer erepta est de laqueo venantium. V. Laqueus contritus est, et nos liberati sumus: adiutorium nostrum in nomine Domini, qui fecit cælum et terram.

5714 Allelúia, allelúia. V. 2 Cor. 1, 5 Sicut abundant passiones Christi in nobis, ita et per Christum abundat consolatio nostra. Allelúia.

¶ In Missis votivis post Septuagesimam, omissis Allelúia et versu sequenti, dicitur

Tractus

Ps. 125, 5-6

5715 Qui seminant in lacrimis, in gaudio metent. V. Eúntes ibant et flebant, mittentes semina sua. V. Venientes autem venient cum exultatione, portantes manipulos suos.

Tempore autem paschali omittitur graduale, et eius loco dicitur:

5716 Allelúia, allelúia. V. 2 Cor. 1, 5 Sicut abundant passiones Christi in nobis, ita et per Christum abundat consolatio nostra. Allelúia. V. Exodi 15, 11 Gloriosus Deus in Sanctis suis: mirabilis in maiestate, faciens prodigia. Allelúia.

✠ Sequentia sancti Evangelii secundum Lucam. Luc. 6, 17-23

In illo tempore: Descendens Iesus de monte, stetit in loco campèstri, et turba discipulorum eius, et multitudo copiosa plebis ab omni Iudæa, et Ierusalem, et maritima, et Tyri, et Sidónis, qui venerant, ut audirent eum, et sanarentur a languoribus suis. Et qui vexabantur a spiritibus immundis, curabantur. Et omnis turba quaerebat eum tangere: quia virtus de illo exibat, et sanabat omnes. Et ipse, elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fleitis: quia ridebitis. Beati eritis, cum vos oderint homines, et cum separaverint vos, et exprobraverint, et eiecerint nomen vestrum tamquam malum, propter Filium hominis. Gaudete in illa die, et exultate: ecce enim merces vestra multa est in caelo.

Ant. ad Offertorium

Sap. 3, 6 5718

Tamquam aurum in fornace probavit illos Dominus, et quasi holocausti hostiam accepit illos.

Secreta

Immaculatam hostiam fac nos, Domine, mentibus tibi puris offerre, quam sanctis Martyribus tuis illibatus vitæ candor et iuge mortificationis studium dapem suavissimam efficiabant. Per Dominum.

Antiphona ad Communionem

Philipp. 1, 20-21 Magnificabitur Christus in corpore meo, sive per vitam, sive per mortem: mihi enim vivere Christus est, et mori lucrum. 5720

Postcommunio

5721 **F**órtium pane reféctis tríbue nobis, omnipotens Deus: ut, sicut sancti Mártýres tui Ioánnes, Isaácus eorúm-que Sóci, eódem roboráti, ánimam suam pro frátribus pónere non dubitá-
runt; ita nos, alter altérius ónera portátes, próximos nostros ópere et veritáte diligámus. Per Dóminum nostrum Iesum Christum, Fílium tuum: Qui tecum vivit et regnat in unitáte.

FESTA OCTOBRIS

Die 1 octobris

S. Gregorii

Ep. maioris Armeniæ et Mart.

Missæ Státuit, de Communi unius Martyris I loco [4], præter orationem sequentem:

Oratio P

5722 **D**eus, qui per beátum Gregórium Pontíficem et Mártýrem tuum Arméniæ gentis pópulum regémque veræ fidei lucem recíperere tribuísti: da Ecclésiæ tuæ de tantis gaudére triúmphis, et apud te méritis eiúdem et précibus adiuvári. Per Dóminum nostrum Iesum Christum, Fílium tuum: Qui tecum vivit et regnat in unitáte.

Secreta C

5723 **H**óstias tibi, Dómine, beáti Gregórii Mártýris tui atque Pontíficis dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Postcommunio C

5724 **R**efécti participatióne múnieris sacri, quæsumus, Dómine Deus noster: ut, cuius exsequimur cultum, inter-

cedente beáto Gregório Mártýre tuo atque Pontífice, sentiámus efféctum. Per Dóminum nostrum Iesum Christum, Fílium tuum: Qui tecum vivit et regnat in unitáte.

Die 15 octobris

S. Teresiæ Virg.

Ant. ad Introitum 3 Reg. 4, 29

Dedit ei Dóminus sapiéntiam et prudéntiam multam nimis, et latitúdinem cordis quasi arénam, quæ est in litóre maris. Ps. 97, 1 Cantáte Dómino cánticum novum: quia mirabilia fecit.

V. Glória Patri.

Oratio

5726 **E**xáudi nos, Deus salutáris noster: ut, sicut de beatæ Teresiæ Virgini-
nis tuæ festivitáte gaudémus; ita cæléstis eius doctrinæ pábulo nutriámur, et piæ devotiónis erudiámur afféctu. Per Dóminum nostrum Iesum Christum, Fílium tuum: Qui tecum vivit et regnat in unitáte.

Léctio libri Sapiéntiæ.

Sap. 7, 7-14

5727 **O**ptávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illius: nec comparávi illi lápidem pretiósus: quóniam omne aurum in comparatióne illius aréna est exigua, et tamquam lutum æstimábitur argéntum in conspéctu illius. Super salutem et spéciem diléxi illam, et propósui pro luce habére illam: quóniam inextinguibile est lumen illius. Venérunt autem mihi ómnia bo-